


T9299/2994(24)



禮記卷之二十一

衣服類

冠冕弁

帶

履

冠冕弁

巾幘

佩

被

武進徐常吉士彭父

林陵焦如弱侯父訂

平原陸伯元幼辛父次

繡谷周曰校應賢父勃

衣

裙

裘

袍

袴

袴

履

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
FEB 18 1941

新纂事詞類奇卷之二十一

哈佛大學漢和
圖書館珍藏印

衣服類

武進徐常吉士彰父輯

秣陵焦 竑弱侯父訂

平原陸伯元幼辛父次

繡谷周曰校應賢父勒

冠冕弁

巾幘

衣

袍

笏

帶

佩

裙

袴

襪

履

被

裘

冠冕弁

經詩云有頍

音企

者弁實維在首禮記云委貌周道也

周冠曰委貌一曰玄冠今之進賢冠乃其遺象也

章甫殷道也

商冠曰章甫其制似夏用

緇布

母

音牟

追

音堆

夏后氏之道也

夏冠曰母追以漆布為之

廣四寸高三寸

周弁殷舁

虛字反音詡

夏收三王共皮弁素幘

周人

冕而祭殷人舁而祭夏后氏收而祭幘者積也

又云黃冠而祭息田夫也野

夫黃冠黃冠草服也又云玄冠朱組纓天子之冠也

緇布冠組纓諸侯之冠也玄冠丹組纓諸侯之齊冠

也玄冠綦組纓士之齊冠也縞玄冠武子姓之冠也

縞冠素紕既祥之冠也垂纓五寸惰游之冠也玄冠

縞武不齒之服也居冠屬武自天子下達有事然後

綏

經翼左傳云鄭子華之弟子臧奔宋好聚鵠冠鄭

伯惡之使盜殺之陳宋之間君子曰服之不衷身之

災也穀梁傳云弁冕雖舊必加於首說文云冠首服

弁冕之總名冠貫也所以貫鬠髮也三禮圖云大古

冠布齊則緇之後以為冠冠之始也今武冠則其遺

象也又云却非冠宮殿僕射史服之高三寸又云却

敵冠前廣四寸通長四寸後高三寸衛士服之子莊

子云宋鉞尹文為華山之冠以自表公孫屈子云屈

到貊冠淮南子云楚莊王冠通梁組纓通梁即遠遊冠又云

楚莊王好獬冠楚國倣之

獬冠今力士冠

史國語云定王使

單襄公聘楚假道於陳陳靈公與孔寧儀行父南冠以如夏氏戰國策云王升謂齊王曰王之愛國愛民不若王愛尺穀也王曰何謂升曰王使人爲冠不使左右便辟而使工者何也爲能之也今王治齊非左時籍孺孝惠時閎孺婉佞貴幸與上卧起故惠帝時郎中皆冠鷄鷄具帶傅脂粉比閎籍之屬漢書云高祖爲亭長以竹皮爲冠及貴世稱劉氏冠後詔爵非公乘以上毋得冠劉氏冠竹皮今之鵲尾冠又云沛公略地陳留里中子酈食其冠章甫冠來謁章甫冠乃儒冠也形圓象天

麾下騎士曰沛公不喜儒諸客冠儒冠來者沛公輒解其冠溺其中又云杜欽字子夏目偏盲杜鄴與欽同姓亦字子夏京師號欽爲盲子夏以別欽惡以疾詆乃爲小冠廣裁一寸由是京師更謂欽爲小冠杜子夏而鄴爲大冠杜子夏又云江充名見衣紗縠禪衣冠蟬纒步搖冠上見之曰燕趙固多奇士又云王陽爲益州刺史陽與貢禹友善禹聞之彈其冠以待意陽必援引已也陽薦禹於成帝名爲大夫又云上古穴居

野處衣毛而冒皮後代聖人易之見鳥獸有冠角類胡之制遂作冠冕纓綉又云進賢冠古緇布冠儒者

之服也。前高七寸，後三寸，長八寸。公侯三梁，中二千石以下至博士兩梁，千石以下至小吏一梁。又云皮弁與委貌同制，如覆杯。又云獬豸獸，性觸不直，故執法者以其角形爲冠。名法冠，又名豸冠。

獬豸神羊能別曲直楚王

曾獲之故

又云馬援與公孫述有舊，援從冀入蜀，述見之，令冠交讓冠，立舊交之位。又云虎賁冠，插兩鴟尾。

尾

鴟鷂鳥中

魏志云文帝與于禁，詔曰昔漢高脫衣

以衣韓信，光武解綬以帶李忠，誠皆人主當時貴敬功勞，今以遠遊冠與將軍齊。書云武帝幸劉浚第，帝着鹿皮冠，浚設兔毛衾於牖中，宴樂以冠賜浚。至夜

乃出。又云陸雲公善變棊，嘗夜侍武帝，冠觸燭火，帝笑謂曰燭燒卿貂，帝將用爲侍中，故以此戲之。又云江淹年十三，孤貧，常採薪以養母，曾於樸所得貂蟬一具，將鬻以養母，母曰此汝之休徵也，汝才行若此，豈長貧賤，可畱待得侍中，著之。後果拜侍中。梁書云

張欣泰爲直閣部兵校尉，領羽林監，著鹿皮冠，挾素琴，有以啓武帝，帝曰將家兒何敢作此舉。又云帝臨軒，冠太子于太極殿，舊制太子著遠遊冠，金貂蟬翠綵纓。至是詔加金博山。又云朱异除中書飛蟬，正集冠上時，咸謂蟬珥之兆，後果然。唐書云貞觀中太宗

初服翼善冠。賜貴臣進德冠。謂侍臣曰：幘頭起自周武帝。蓋以便於軍容。今四海無虞，宜息武事。此冠頗採古樣，兼類幘頭，乃可常服。又云：進賢冠者，文武朝叅三老五更之服也。遠遊冠者，親王之服也。高山冠者，內省視內謁者之服也。委貌冠者，郊祀文武郎之服也。却非冠者，亭長門候之服也。

服即冠也。詩曰：元服。周禮曰：首服。

埤史古史考云：成王將加元服，周公使人來零陵取文竹為冠。漢武內傳云：上元夫人戴九星靈芝夜光之冠。西王母戴太真晨纓之冠。前燕錄云：慕容廆曾祖父慕容跋見燕代少年多冠步搖冠，好之，乃斂髮

襲冠。諸部因呼之為步搖。其後音訛而為慕容。遂以慕容為氏。**雜論**冠銘云：居高無忘危，在上無忘敬。懼則安，敬則正。**雜記**瑣語云：范獻子卜獵，命占之。其繇曰：君子得龜，小人遺冠。范獻子獵而無得，遺其豹冠。

與服雜事云：楚漢會於鴻門，項籍圖危。高祖樊噲聞急，乃裂苞楯以為冠，排入羽營。杜陽編云：寶曆二年，浙東貢舞女，戴輕金冠，以金絲結之，為鸞鶴狀，仍飭以五彩細珠玲瓏相續，可高一尺，秤之重二三分。古今注云：牛亨問冕旒稱繁露何也。荅曰：綴而下垂，如露之繁多，故曰繁露。又云：貂蟬冠，胡服也。貂者取其

有文而不煥外柔而易內剛而勁蟬者取其清虛而
識時變在位者有文而不自耀有武而不示人清虛
自牧識時而動輿服雜志云衮冕者一品之服也鷩
冕者二品之服也毳冕者三品之服也絺冕者四品
之服也玄冕者五品之服也平冕者郊廟武舞郎之
服也爵弁者六品以下九品以上從祀之服也武弁
者武官朝參殿廷武舞郎堂下鼓人鼓吹按工之服
也弁服者文官九品公事之服也仙釋神仙服食經
云漢武帝間居未央殿有人乘白雲駕白鹿冠芙蓉
冠曰我中山衛叔卿也詩賦左思云藹藹列侍金貂
齊光陸士龍云冠冕無醜士長纓皆俊民

巾幘

子傅子云漢末王公多以幅巾爲雅是以袁紹之徒
雖爲將帥皆着縑巾史漢書云郭林宗遇雨其中墊
而折其後學者著冠莫不折其角曰林宗巾又云凡
齋紺幘耕青幘秋驅緋幘又云秦加武將首飭爲絳
帕以表貴賤後稍作顏題漢興幘其顏却結之施巾
連題却覆之文帝乃高顏幘爲之耳崇其中爲屋蜀
志云諸葛武侯與司馬宣王在渭濱將戰宣王戎服
泣事使人視武侯乘素車葛巾羽扇指麾三軍皆隨

其進止。宣王聞而嘆曰。可謂名士。又云王衍好累尖巾。其狀如錐。唐書云。賜供奉官及諸司長官。則有羅巾。圓頂巾。子后遂不改。裴冕自制巾。子工甚。人爭效之。號僕射巾。又云周武后擅政。多賜羣臣巾。子綉袍。勒以回文之銘。皆無法度。不足紀。至中宗。又賜百官英王。踣樣巾。帝在藩時冠也。雜記地理志云。湖州土貢折皂巾。白孔六帖云。覆髻謂之幘。又謂之承露。通典云。虎賁羽林郎將皆赤幘。陞衛垂干。蔡邕獨斷云。元帝額有壯髮。不欲使人見。始進幘服之。羣臣皆效焉。然尚無巾。王莽頭禿。因施巾。故里語曰。王莽禿幘。施屋。廣州志云。交趾蒼梧以翡翠爲幘。合璧云。昔魏武軍中無故作白帽。此喪徵也。初橫縫。其前名之曰顏。晉永嘉初。乃去其縫。名無顏幘。唐制。平巾幘者。武官衛公子之服也。黑介幘者。國官視品。府謁府國子太學生四門生俊。叅見之服也。介幘者。流外官行署。及三品以下。登歌工人之服也。綠幘者。尚食局主膳。典膳局典食。大官署。食官署。供膳。奉饌之服也。通考云。凡救蝕日。皆着赤幘。以助陽。侍臣皆赤幘。帶劔。

董偃服綠幘
見武帝大長
公主唱以
人見者此意

詩賦 李白云。吳江女道士頭戴蓮花巾。

衣

經易云

黃帝堯舜

垂衣裳而天下治蓋取諸乾坤書云帝

曰予欲觀古人之象日月星辰山龍華蟲作繪宗彝

藻火粉米黼黻絺綌呂五采彰施于五色作服汝明

詩云蜉蝣之羽翼衣裳楚楚蜉蝣之翼采采衣服蜉蝣

掘閱麻衣如雪

衛君奢而好潔故見刺於蜉蝣

禮記云季夏命有司

染彩黼黻文章必以法度無惑差忒黑黃蒼赤莫不

質良呂給郊廟祭祀之服又云季秋命有司具飾衣

裳文綉有恒有服有量冠帶有常必循其故又云一

命緼韍黹衡再命赤韍黹衡三命赤韍葱衡

緼赤黃色

經

翼左傳云陳靈公與孔寧儀行父通於夏姬皆衣其

相服呂戲於朝

相近身衣

緯春秋後語云田文謂其父靖

郭君曰君後宮蹈綺縠之衣而士不得短褐子莊子

云祝牧謂其妻曰天下有道我韍子珮天下無道我

負子戴文子云聖人衣足以蓋形以禦風寒呂氏春

秋云被褐而出衣錦而入史漢書云帝賜南粵王佗

上褚五十衣中褚三十衣下褚二十衣

以綿裝衣曰褚

又云

齊國有三服官春獻冠幘縱為首服紈素為冬服輕

綃為夏服又云朱博為瑯琊太守勅官屬多作袞衣

袞袴也

又云

武帝末郡國賊盜羣起暴勝之為直指使者衣繡衣

持斧捕之後漢書云更始時授官爵皆羣小賈豎膳

夫庖人多着綉面衣錦袴襜褕諸于智者見之以為

服之不衷諸于大掖衣也方言曰襜褕其短者自關西謂之襜屈郭璞曰俗名襜掖據此即是

宋書云沈慶之領隊防東門劉湛被

收之夕開門名慶之慶之戎服履韎縛袴入上見而

驚曰卿何意乃爾急裝曰夜半召隊主不容換服又

云明帝疾召褚彥回入帝坐帳中流涕曰吾近危篤

故名卿欲使着黃羅耳黃羅乳母服又云謝超宗嘗詣東

府門自通其日風寒高帝謂四座曰此客至使人不

衣自煖又云江湛為吏部尚書無兼衣餘食嘗為上

所召遇澣辭疾經日衣成然后起南史云何敬容為

吏部尚書梁武帝雖衣浣衣而左右衣必須鮮潔敬

容希旨常以膠青刷鬚衣裳不整伏牀熨之或暑月

背為之隼埤史世本云胡曹作衣說苑云齊林既者

衣葦朝景公公曰何服小人衣耶林既曰衣狗裘者

不必狗吠服羊裘者不必羊鳴今君衣狐裘能狐鳴

乎遺史云邊讓才辨俊逸孔融薦於魏武曰邊讓為

九州之被則不足為單衣襜褕則有餘又云來子珣

遷遊擊將軍常衣錦半臂自異又云河南惡少危帽

散衣雜記新志云禮無服衫之文士人臣棠芋欄衫

爲上服貴女功之始也。一命以黃，再命以黑，三命以纁，四命以綠，五命以紫，士服短褐，庶人以白。陳雷風俗傳云：襄邑睢渙之水出文章，故曰黼黻藻錦。日月華重以奉天子宗廟，御服拾遺記云：西方析淪國其俗淳和，人壽三百歲，綴草毛爲網衣。元狩六年，獻網一襲，帝懼後世徵求之，焚於九達之道，烟如金石之氣。又云：晉太始初，頻斯國人來朝，呂五色玉爲衣，如今之鎧。又云：任本年十四，好學觀書，有合意處，則題其衣裳及裳裡，以記其事。門徒悅其勤學，更以淨衣易之。杜陽編云：元載寵姬薛瑤英，衣龍綃衣一襲，無

一兩搏之，不盈一握。鳳池編云：李紳爲相時，俗尚輕綃紫，蘸碧爲婦人衣，紳自爲小君，裁剪五行志云：安樂公主使尚方合百鳥毛織二裙，正視爲一色，旁視爲一色，日中爲一色，影中爲一色，而百鳥之狀已見。呂其一獻韋后，舊記云：勅三品以上服紫，四品深緋，五品淺緋，六品深綠，七品淺綠，八品深青，九品淺青。庶人服黃，一品以上文官並帶手巾，等刀子礪石武官欲帶聽之。九月百寮具新服，宴之。漢襍事云：高祖時，令群臣議天子所衣服，以安天下。謁者趙堯舉春季舜舉，夏倪湯舉，秋貢禹舉，冬四人各職一時。白孔

六帖云作異服以疑衆諫不以聽必殺無赦又云服美不稱必以惡終詩賦楚辭云製芰荷以爲衣集芙蓉以爲裳

袍

經詩云豈曰無衣與子同袍子孔叢子云孔伋緼袍無裏史史記云須賈入秦見范雎曰范叔一寒如此哉解綈袍以贈之及睢數賈罪曰爾得無死以綈袍戀戀尚有故人之情漢書云袁安爲光祿勳至清麗袍糲食又云公主貴人妃以上得着錦綉羅縠十二色綠袍梁書云侯景將爲亂時謠曰青袍白馬壽陽

來後景軍衆悉着青袍景乘白馬又云狄仁傑轉幽州都督武后賜紫袍金帶自製金字十二於袍呂旌其忠又云楊炎自貶道州還家人呂綠袍木簡棄之炎止曰吾嶺上一逐吏超登上台可常哉且有非常之服必有非常之禍安可棄是乎唐書云諸衛大將軍郎以下給袍者皆易其綉文千牛衛呂瑞牛左右衛以瑞馬驍衛以虎武衛以鷹威衛以豹領軍衛以白澤金吾衛以辟邪又云其後紫爲三品之服金玉帶鈎十三緋爲四品之服金帶鈎十一淺緋爲五品之服金帶鈎十深綠爲六品之服淺綠爲七品之服

皆銀帶鈿九深青爲八品之服淺青爲九品之服皆
鍮石帶鈿八黃爲流外官及庶人之服銅鐵帶鈿也
旣而天子袍衫皆用赤黃遂禁臣民服又云武后出
緋紫單羅銘襟賜文武諸臣宰相飾以鳳池尚書飾
以對鴈左右衛將軍飾以麒麟左右武衛飾以對虎
左右鷹衛飾以鷹左右千牛飾以牛左右豹韜飾以
獅左右金吾飾以象又銘其襟背作八字迴文又云
開元中賜邊衣制自宮中有軍校袍中得一詩曰留
意多添線含情更着綿今生已過了重結後生緣持
詩白帥帥以聞明皇問之有一宮人自言萬死卽以

嫁得詩者曰與汝結今生緣又云禁中有金烏錦袍
二昔玄宗幸溫泉與楊貴妃衣之今婦人皆有之又
云韋綬德宗時爲翰林學士帝嘗幸其院會綬方寢
學士鄭絀欲馳告之帝不許時太寒呂西蜀錦袍覆
之而去埤史漢武故事云上元夫人降武帝宮服赤
霜之袍雲色亂目非錦非繡不可得名雜論鹽鉄論

云倪寬練袍衣若僕妾食若傭夫又云原憲之縕袍

賢於季孫之狐貉雜記身章撮要云袍長褐也續爲

縕縕爲袍衣有着之異名縕謂今續及舊絮純着新

其制度則一至唐服袍者下加襪緋紫綠皆視其品
庶人以白然則今之有襪袍自唐始然襪與褐亦袍

也。不攔襲。或曰周公合璧云孔子衣逢掖之衣逢掖

袍成王宴居故施袍。其袖合而縫大近似今袍也。下至賤夫小吏皆通制

袍。單衣皂綠領袍。中衣為朝服。鷄跖集云宋之間獻

詩武后奪東方虬錦袍以贈之。西陽雜俎云帝賜安

祿山品目有金鸞紫羅緋羅立馬寶鷄袍。詩賦白樂

天云吾年五十加散朝再爾今年賜服章齒髮恰同

知命歲官銜俱是客曹郎。榮傳錦帳花聯萼彩戲綾

袍。鴈趨行大抵着緋宜老大莫嫌秋髮數莖霜。杜甫

云春艸隨青袍。又云獸錦奪袍新。又云金袍映玉羈

又云使君贈寒袍。李白云玉帶明珠袍。

笏

經禮記云笏天子以球玉諸侯以象大夫以魚須音班

斂魚文竹士以竹球玉美玉文飾也大夫飾竹以經

翼大戴禮云天子御珽珽天子笏方其頭言無諸侯

御荼荼音舒圓其頭前也大夫服笏笏前也後也釋

名云笏忽也。君有教命及所啓則書其上。備忽忘也。

史晉書云溫嶠知王敦有異志欲出外備之乃請為

丹陽令敦許之恐錢鳳說敦留已因餞會自起行酒

至錢鳳佯醉以手板擊鳳憤墜作色曰錢鳳何人溫

太真行酒乃不飲由是鳳間遂不行宋書云王播善

占奏雖數十事未嘗書于笏唐書云魏徵五世孫暮
帝問卿家書詔頗有存者乎暮對惟故笏在詔令上
送鄭覃曰在人不在笏帝曰覃不識朕意此笏乃今
之甘棠又云李絳進中書舍人翌日帝親擇良笏與
之且曰異時膺顧託南面當如此絳頓首又云朱泚
名段秀實計事源休姚令言李忠臣李子平皆在坐
秀實戎服與休等並語至僭位勃然起執休腕奪其
象笏奮而前唾泚面大罵曰狂賊可磔萬段吾豈從
汝反耶遂擊之泚舉臂捍笏中顙流血巉面又云德
宗見賈隱林偉其貌問家世答曰故范陽節度副使

循臣從父也帝異之引至卧內以手板畫地陳攻守
計又云五代王彥章至京師入見以笏畫地陳勝負
趙巖等劾不恭勒還第埤史古史考云武王不閉外
門以示無懼去劍指笏以示無仇唐語林云韓臯家
自黃門以來三世傳執一笏未嘗輕授於僕人之手
歸則別致卧內一榻以示敬謹雜記輿服雜事云古
者貴賤皆執笏主書君上之政令有事則指之於腰
帶中近代以來唯八座尚書執笏者白筆綴手版頭
以紫囊裹之其餘王公卿士但執手版不執筆示非
記事官也又云應仲遠曰昔荆軻逐秦王其後謁者

持匕首以備不虞從此侍官皆執刀劔漢高祖偃武
修文始制手板代焉相手板經云當令理通直從上
至下直如弦不得出過絕理古今合璧云相手板經
出蕭何或曰四皓東方朔見而善之曰非庸人所解
常朝錄云會昌以來宰相朝則有笏架入禁中逐門
傳送至殿前朝罷則置於架上百寮則各有笏囊吏
持之西陽雜俎云陳希烈不便執笏騎馬以帛裹令
左右執之李右座見曰便爲將來故事又云張九齡
體弱有蘊籍故事公卿皆搢笏于帶而後乘馬九齡
獨常使人持之因設笏囊

笏囊自九齡始

詩賦李賀云帝前

動笏移南山

帶

史魏志云疎勒王獻大秦赤石帶一枚吳志云陸遜

破曹休於石亭上賜以鈎絡帶
鈎絡者革帶也唐書云天授

二年改佩爲魚龜其後三品以上龜袋飾以金四品

以銀五品以銅中宗初罷龜袋復給以魚郡王賜玉

亦佩金魚袋景龍中令特進佩魚

散官佩魚自此始

又云高

宗咸亨三年勅五品以上賜新魚袋並飾以銀三品

以上賜金莊刀子礪石一具上元中又勅文武官三

品以金玉帶四品五品並金帶六品七品並銀帶八

品九品並礪石帶庶人銅鐵帶文武並帶手中筭袋
刀子礪石武官欲帶亦聽之九月百官具新服上宴
于麟德殿又云景龍中詔衣紫者魚袋以金飾之衣
緋者以銀飾之散職命魚又云開元中駙馬都尉從
五品假紫金魚袋都督刺史品卑者假緋魚袋五品
以上檢校試判官皆佩魚又云腰帶摺垂頭於下名
曰銚尾取順下之義一品二品鈐以金六品以上以犀九
品以上銀庶人以鐵又云王播自淮南還獻玉帶十
有三遂再得相又云李靖破蕭銑時所賜于闐玉帶
十三勝七方六利勝各附環以金固之所以佩物者

天子悉留禁中又云杜如晦薨帝嘗賜玄齡黃銀帶
曰如晦與公同輔朕今獨見公泫然流淚曰世傳黃
銀鬼神畏之更取金帶遺玄齡送其家又云裴度初
貧遇貧女乞得犀玉三帶救父過香山寺挂楯上禱
神遺忘而去度追還之後封晉公人以為陰德所致
又云統葉護可汗獻萬釘寶鈿金帶可汗拜蘇祿左
羽林大將軍賜銀袍鈿帶魚袋七事五代史云安重
榮既僭侈以為金魚袋不足貴刻玉為魚佩之埤史
三國典畧云文帝賜劉禎廓落帶其後將死欲取以
為殉因與禎書曰夫物因人而貴故在賤者之所不

御至尊之側。禎答曰：荆山之璞，耀元后之寶；隋侯之珠，燭衆女之奸。南垠之金，登窈窕之首；鼉鼉之尾，綴侍臣之幘。此皆伏朽壤之下，潛汙泥之中，而揚光千載之上，發采疇昔之外。禎所帶無他妙飭，若實殊異，尚可納也。九國志云：楚馬希聲，海商有鬻犀帶者，直數百金。晝夜有光，洞照一室。希聲殺商而取之，逾月光遂滅。

雜記：因話錄云：晉公平淮西，賜以玉帶。公臨薨，却進口，占奏狀曰：內府之珍，先朝所賜，既不敢將歸地下，又不合畱在人間。聞者歎其不亂。鷄跖集云：唐諺曰：一人在朝，百人緩帶。

一人貴而親友榮之意

詩賦：李賀云：密裝腰理，割方玉。韓愈云：不知官高卑，玉帶懸金魚。白樂天云：銀魚金帶繞腰光。

佩

經：詩云：芄蘭之枝，童子佩觿。觿，所解結成人之佩也。人君能成人之事，雖童子猶佩觿，早成其德也。

衛公驕而無禮，大夫刺之。禮記云：天子佩白玉公侯

佩山玄玉，大夫佩水蒼玉，世子佩瑜玉，士佩瑱，玟山玄

水蒼玉之文也。又云：孔子去魯，佩象環五寸。象有文理者，也。

環取可循而無窮。又云：君在佩玉，左結佩，右設佩，居則設佩

朝，則結佩，朝於君，亦結左。又云：趨以采，齊行以肆，夏

周還，中規折還，中矩進，則揖之，退則揚之，然後

玉鏘鳴也。又云主佩委則臣佩，垂主佩垂則臣佩。委經翼。左傳云：吳申叔儀乞糧於公孫有山氏，曰佩玉。蓋今余無所繫之。又云蔡昭侯如楚，以一佩獻昭王。子常欲其一，弗與。三年止之，獻與子常，乃得歸。尚書舊傳云：泚妃修媛修華修容婕妤佩采瓊玉，貴人佩于闐玉。毛詩疑字議云：以爲佩者服用之稱，珮者玉器之名，稱其服用則字從人名，其器則器從玉。三禮圖云：凡玉佩上有雙衡，衡長五寸，博一寸，下有雙璜。璜徑三寸，衝於纁珠，以納其間。上下爲衝，半璧爲璜。璜中璜以衝牙，以蒼珠爲瑤，白虎通云：所以必有佩者，表意見所能，故脩道無窮，卽佩環能本道德，卽佩琕能決嫌疑，卽佩玦是以見其所佩，卽知其能。故農夫佩其耒，鋁工匠佩其斧斤，婦人佩其針，鏤子孔叢子云：子產死，鄭大夫捨佩玦，婦女捨珠玉。史漢書云：漢孝明皇帝乃爲大佩，衝牙雙渠璜皆以白玉。埤史漢武帝內傳云：上元夫人帶六出火玉之佩。晉宋舊事云：太皇太后雀鈕白玉佩。列女傳云：齊桓公行霸，諸侯朝之，衛獨不至。公謀伐衛，衛姬脫簪珥，解環佩，再拜請衛之罪。公悅，諾。說苑云：蔡昭侯過魏，左帶玉具劔，右帶環珮。左光照右，右光照左。魏太子不視不

問矣曰魏國亦有寶乎太子曰主信臣忠百姓戴之此魏之寶也矣解劔珮委之趨而出上車去太子使騎操劔珮與矣曰此寒不可衣飢不可食無遺我賊也雜論蓋鐵論云子思銀珮雜記魚豢魏略云有雙璜雙珩瑀瑤衝牙琨珠爲珮者漢明帝采古文始制古今合璧云董安于性緩珮弦以自急西門豹性急佩帶以自緩范丹亦以狗急珮韋以自戒拾遺記云漢昭帝穿林池廣千步中植分枝荷狀如駢蓋日照則葉低蔭根若葵之衛足也名曰低光荷實如玄珠可以飾珮仙釋列仙傳云江濱二女逢鄭交甫於漢

臯解珮與之交甫懷珮去數十步空懷無珮女亦不

見幽怪搜神記云元康中婦人飭五兵珮詩賦楚詞

云紉秋蘭以爲珮又云蓮蕙若以爲珮過鮑肆而失

香又云捐余玦兮江中遺余珮兮澧浦崔瑗云天爲

剛德猶不干時君子妄怒厥亦生災俯覽斯珮柔韋

是貴梁文帝云藍田麗絲槐水縷文飾以金闕之珠

制以魯班之巧褚彥回云製懋姬羸寶冠荆越璇瑰

鎮曜珩玦疑華采賁蓬楹響聞繩戶佩服載驚心容

交惕杜牧之云倒冠落佩兮與世濶疎韓愈云乞君

飛霞珮與我高頡頏柳宗元云饗切晨趨珮杜甫云

楚宮久已威幽佩爲誰哀

裙

經翼釋名云裙連接裙幅也緣裙裙拖緣也史漢書

云漢明德太后禿裙不緣又云獻帝時女子好爲長

裙而上甚短又云趙飛鸞立爲皇后上遺織成裙埤

史晉東宮舊事云皇太子納妃有絳紗複裙絳碧結

綾複裙丹碧紗紋雙裙紫碧紗紋雙裙紫碧紗紋綉

纓雙裙紫碧紗雙縠裙丹碧紗紋羅裙汝南先賢傳

云戴良嫁女緣裙四等雜記方言云陳魏之間謂裙

爲帔音披繞衿謂之裙山陵故事云梓宮衣服有紺絳

雙裙之腰仙釋三君內傳云南極夫人被錦服青羽

裙詩賦古樂府云秦氏有好女自名爲羅敷細綺爲

下裳紫綺爲上襦楚詞云採薜荔以爲裳又云青雲

衣兮白蜺裳舉長矢兮射天狼楊雄云衿芰荷之綠

衣兮被芙蓉之朱裳繁欽定云何以合歡欣紈素三

條裙

袴

子韓子云昭侯使人藏敝袴侍者曰何不以賜左右

昭侯曰吾聞明主愛一嘖一笑嘖有爲嘖笑有爲笑

今袴豈特嘖笑哉吾必待有功者故藏郭子云孫興

公道曹輔佐才曰白地明光錦裁爲負板袴非無文
彩然酷乏財製史漢書云廉范字叔度爲蜀郡太守
放火禁嚴備水民歌曰廉叔度來何暮不禁火人安
堵昔日無襦今五袴又云賈逵貧無袴晨著妻兄柳
季袴而去時人謂之通達又云馬援以牛羊散與故
舊身衣皮袴唐書云德宗居奉天儲蓄空窘嘗遣卒
視賊以苦寒乞襦袴帝不能致別親王帶金而鬻之
又云婁師德檢校豐州都督衣皮袴率士屯田雜記
方言云齊魯之間袴謂之褰或謂之襠關西謂之袴
大袴謂之倒頓小袴謂之芙蓉衫楚通語也鄴中記
云石虎喜着金縷合歡袴俗說云謝仁祖年少時喜
着刺文袴出郊郭外其叔父安請買之仁祖於是自
改遂爲名流異域志云撲子蠻以青娑羅爲通身袴
雲仙散錄云李白遊慈恩寺僧用水松牌乞詩白爲
題記僧獻蘭縑袴

襪

經翼左傳云衛褚師呼聲子結襪而登席曰臣有疾
異於人若見君將噉之古者臣見君解襪有疾謂
足疾也噉設嘔吐者也史

漢書云廷尉張釋之爲王生結襪襪有帶尚矣埤史
唐太真外傳云妃死之日馬嵬媪得錦初襪一隻相

與過客一玩百錢。獲錢無數。雜記文粹云武王罷朝而襪絲絕。北夢瑣言云偽蜀吏部尚書韓昭多能而皆不精。朝士李白曰韓八座事業如折襪線無一條長。詩賦古賦云羅襪躑躅而容與。文選云羅襪生塵。李白云盈盈漢水若可越。可惜凌波步。羅襪杜甫云垢膩脚不襪。又云青鞋布襪從茲始。又云羅襪紅蕖艷。劉禹錫云不見巖畔人。空見凌波襪。郵童愛踪跡。私手解繁結。傳者十萬人。縷絕香不歇。李白云屐上足如霜不着。鴉頭襪。

履

經詩云糾糾葛屨。可以履霜。禮云國家靡敝。君子不履絲履。經翼左傳云鄭申侯見齊侯曰若師出於陳。鄭之間供其資糧。靡屨其可也。靡屨草履也釋名云履禮

也。飾足以爲禮。履拘也。所以拘足也。草履曰扉。子晏子云景公爲履。飾以金玉。服以聽朝。履重。僕不能舉。問曰天寒乎。晏子曰古之制衣服。冬輕而煖。夏重而清。金玉之履。是重而寒也。公入徹履。莊子云儒者冠圓冠者。知天時。履方履者。知地形。又云干將補履。不如兩錢之錐。孫卿子云曾子居衛。捉衿而肘見。納履而踵決。又云大布之衣。麤絲之履。可以養體。賈子云

天子黑方履諸侯素方履大夫素圜履又云士卒百工履色無過綠青白奴婢履色無過純青古繪賣者一足白履一足黑履又云昔楚昭王與吳人戰楚軍走而履決失之行三十步復旋取左右問曰何惜是一跣履乎王曰楚國雖貧豈愛一跣履哉思與偕出弗與入也淮南子云禹之救時冠挂而不顧履遺而不取史記云趙平原君使人於春申君欲誇楚為璫瑁簪簪刀劍之室飾以珠玉而春申君客三千餘人其上客皆躡珠履趙使大慙又云鄭崇字子游為尚書數上書諫上上笑曰我識鄭尚書履聲漢書云

王莽好高冠厚履蜀志云先主少孤織履為業曹操駕曰賣履舍長晉書云夜五庫火累代之寶皆焚焉孔子履漢祖斬蛇劍又云佛圖澄卒葬後郭門吏報石季龍曰師携一履西去季龍發其墓見一履與一石此與達磨隻履西歸事同唐書云文宗時吳越間織高頭草履如綾縠前代所無履下物也織草為之又非正履而被以文飾蓋陰邪闖茸泰侈之象埤史世本云於則作屣履明皇雜錄云玄宗貴妃楊氏每十月帝幸華清宮五宅車騎皆從國忠導以劍南旗節遺鈿墮舄狼藉于道九國志云江南李昇常履蒲鞞雜論鹽鐵

論云古者庶人儉扉草履今之富者膏沓絲履雜記
拾遺記云穆王起春霄之宮西王母來焉納丹豹文
履六韜崇侯虎云今西伯昌懷仁而善謀冠雖敝禮
加於首履雖新法以踐地可及其未成而圖之西京
雜記云趙飛燕爲皇后其弟遺以同心七寶綦履又
云朱桃推長史竇軌遺以衣服麕幘麕鞞委之地不
肯服又云滕王元英嘗爲典籤崔簡妻鄭嫚罵以屨
抵面元英以血流乃免事始云單底曰履重底曰舄
梁武帝以絲爲之曰解脫履樵說云白樂天燒丹於
廬山草堂作飛雲履玄綾爲質四面以素綃作雲朵
染以四選香振履則如煙霧曰吾足下生雲不久上
昇天府矣唐二儀錄云大曆中進五朵草履建中間
進百合履青州雜記云青齊間桃花有一種盛開時
垂絲二三尺者採之練以松脂迤相纏織成圭履寄
徃都下人皆不辨何物方言云絲作之履謂之不借
組者謂之履屨朝鮮列水之上謂之邛角南方江沔
之間總謂之粗梁益謂之屣或謂之絲履其通語也
徐土郊圻謂之邛角爾縵關之東西或謂之縵或謂
之縵其通語也仙釋列仙傳云王喬爲鄴縣令每乘
二鳧乃舄也詩賦韓愈云暄晨躡露舄李白云足下

遠遊履凌波生素塵

被

經詩云角枕粲兮錦衾爛兮經翼左傳云楚子次于乾溪雨雪皮冠秦復陶翠被豹舄皮鞭以出史史記云公孫弘爲三公卧布被飾詐以釣名漢書云尚書郎入直供青練白綾被或錦被又云馮豹爲郎奏事未報俯伏省闈從昏至明肅宗使黃門郎覆豹錦被令勿驚後漢書云李忠仲爲大將軍世祖賜之輕衾綉被魏志云文帝詔三代大夫知被服五代大夫知飲食晉書云祖逖與劉琨共被寢中夜聞雞鳴蹴琨

起舞曰此非惡聲又云禿髮烏孤祖壽闐之在孕母胡掖氏因寢而產於被中鮮卑謂被爲禿髮因以爲氏宋書云羅研齊狗兒之後臨汝侯嘲之曰卿蜀人樂禍貪亂一至於此對曰蜀中積敝實非一朝百家爲村不過數家有食貪亂樂禍無足怪者若令牀上有百錢布被甌中有數升麥飯寧肯爲亂唐書云王勃屬文則酣飲引被覆面卧又云陽城嘗以木枕布衾質錢人重其賢爭售之又云同昌公主堂中設神絲繡被繡三千鴛鴦間以奇華異葉其精巧華麗絕比其上結以靈粟之珠如粟粒五色輝映五代史云

康福嘗自言沙陀種有疾卧閣中寮佐入問疾見錦被相顧竊笑曰錦衾爛兮福聞之怒曰安得謂我為夷埤史楚國先賢傳云江夏孟宗少游學其母作十二幅被以招賢士共卧庶聞君子之言遺史云王章為諸生與妻居病無被卧牛衣編亂麻為衾俗呼之為龍且雜記西京雜記云趙飛燕為皇后其女弟遺以鴛鴦被杜陽編云元和八年大軫國貢神錦被冰蚕絲所織也方二尺厚一寸其上龍文鳳彩殆非人工詩賦古詩云客從遠方來遺我一端綺文綵雙鴛鴦裁為合歡被韋應物云下有錦鋪翠被之粲爛博

山吐香五雲散

表

經禮云晏子豚間不掩豆一狐裘三十年又云良工

之子必學為箕良冶之子必學為裘裘皮衣也又云表之

裼也見美也表之襲也充美也周禮云中秋獻良裘

乃行羽物良善也王所服也又云季炆獻功裘以待班

賜又云司裘掌為大裘以供王祀天之服大裘羔裘以示質

經翼左傳云狐裘蒙茸一國三公吾誰適從又云齊

人以邾其衛侯右宰穀從而逃歸衛人將殺之穀辭

之曰余不悅初矣余狐裘而羔袖乃赦之狐裘羔袖言一身盡

善唯少
有惡

又云蔡昭侯爲兩美裘以如楚其一獻于昭
王自服其一楚相子常欲之弗與讒之畱楚三年蔡
侯知之乃獻其裘于子常始得歸蔡請秦伐楚子常
子云武王爲侈靡令曰豹襜豹裘方得入朝故豹皮
百金功臣之家享千鍾未得一豹皮晏子云晏子至
晉有弊冠反裘負芻者晏子曰子何者對曰我越石
父也不免凍餒爲人僕三年晏子解左駮贖之韓子
云孫叔敖相楚衣殺羊裘呂氏春秋云孔子始用於
魯魯人歌之曰麇裘而鞞投之無戾鞞而麇裘投之
無郵三年男行乎途左女行乎途右民之遺者民莫

之舉又云天下無粹白之狐而有粹白之裘取諸衆
也田俅子云少昊都於曲阜鞞鞞毛人獻其羽裘孔
叢子云子思在衛緼袍無裏田子方遺之狐白之裘
不受曰吾聞遺人食物不肯受者如棄物于溝壑中
吾雖無德不敢以身爲溝壑遂不受史戰國策云蘇
秦說李兌遺之黑貂裘游秦不用貂裘盡敝史記云
秦昭王囚孟嘗君欲殺之孟嘗君使人抵昭王幸姬
求解姬曰願得君狐白裘時狐白裘已獻昭王孟嘗
君客有能夠盜者入秦宮藏內盜裘獻姬姬爲言於
王遂得歸漢書云賈誼政事疏曰卧赤子天下之上

而安植遺腹朝委裘又云陽興謂史高曰將軍所舉
不過門下賓客富貴而列士不舉是有狐白之裘而
反衣也晉書云王恭嘗被鶴氅裘步雪行孟旭曰此
神仙中人又云大司馬程據上雉頭裘一領詔曰據
此非常服也損費功用宜于殿前焚之雜論桓譚新
論云振裘持領萬毛皆整雜記黃帝出軍決云黃帝
伐蚩尤未克西王母遣人被玄狐之裘以符授之拾
遺記云周昭王以青鳳之毛爲二裘一曰煥質一曰
暄肌常以禦寒西京雜記云司馬相如與卓文君還
成都居貧愁懣以所服鸚鵡裘就市鬻酒與文君爲

歡十洲記云漢武帝天漢三年西國玉獻吉光毛裘
色黃蓋神馬之類入水不沉入火不焦杜陽編云唐
敬宗寶曆元年南昌國進浮光裘卽紫陽水染其色
也以五彩蹙成龍鳳綴以五色珍珠上衣之以獵北
苑爲朝日所照光彩動搖一日從禽忽值暴雨而裘
畧無沾潤上異之又云張志和常欲以大布裹製裘
嫂爲躬績及成衣之雖暑不解又云太宗卽位西域
高昌獻玄狐裘又云武攸緒王公所遺塵裘塵皆流
積又云則天皇后賜狄仁傑集翠裘詩賦宋玉云主
人之女翳承日之華被翠雲之裘

新纂事詞類奇卷之二十一

武進徐常吉士彰父輯

秣陵焦 竑弱侯父訂

平原陸伯元幼辛父次

繡谷周曰校應賢父勒

布帛類

錦繡

絲

絹

羅綺

布帛

葛

錦繡

經書云山龍華蟲作繪宗彝藻火粉米黼黻絺繡以

五采彰於五色作服禮記云紉錦束髮

童子之飾也

周禮

云五采備謂之繡又云合六幣圭以馬璋以皮璧以

帛琮以錦琥以綉璜以黼此六物者以和諸侯之好

經翼左傳云左師見夫人之步馬者問之對曰君夫

人氏也左師曰誰為君夫人余胡弗知圉人歸以告

夫人使饋之錦與馬先之以玉又云子皮使尹何為

邑子產謂子皮曰子有美錦不使人學製焉大官大

邑身之所庇而使人學製焉其為美錦不亦多乎爾

雅云索錦綢杠

郭璞曰以白地錦韜旗之竿也

子列子云范氏之藏

火子華曰能入火取錦者從所多少皆予之商丘開

入火往回而身不燒子思子云管仲績錦也雖惡而

登朝子產練絲也雖美而不尊揚子云今之學者非

獨為華藻又從而繡其鞶帨史記云刺繡文不如

倚市門又云漢御史以繡為衣故有繡衣直指又云

楚莊王有愛馬衣以文繡漢書云馮夫人出塞以錦

車又云尚書郎入直中官供錦帳後漢書云甄琛為

定州刺史既至鄉衣錦晝遊晉書云竇滔妻蘇氏善

屬文符堅時滔為秦州刺史被徙流蘇氏思之織錦

為迴文詩以寄滔宛轉循環文甚凄惋齊書云江淹

為宣城太守時罷歸夜泊禪靈寺渚夢一人自稱張

流乃流沙

景陽曰前以一疋錦相寄今可見還淹探懷中得數尺與之此人大恚曰那得割截都盡顧見丘遲謂餘尺既無用以遺君自是淹文章日躓唐書云謝延皓太順中以詞賦擅名與徐寅不相上下時號錦繡堆又云李晟每與賊戰必錦裘繡帽自表指顧陣前又云杜亞拜淮南節度使泛九曲池曳繡為颿詫曰要當稱是林沼李衡曰未有錦纜云何亞大慙史穆天子傳云吉日甲子天子乃執白圭玄璧以見西王母獻錦組百純西王母再拜而受之說苑云鄂君乘青輪之舟張翠蓋越人擁楫而歌曰心悅君兮君不知於是鄂君舉綉被而覆之漢武內傳云帝見西王母巾器中有一小卷黃書乘以紫錦之囊帝問此何書王母曰五岳真形圖也世說云石崇錦步帳四千里野史云女王國貢魚油錦紋絲尤異入水不濡雜論潛夫論云夫攻玉以石治金以鹽濯錦以魚浣布以灰物故有以醜治好以賤治貴雜記拾遺記云東海有冰蠶其繭五色織為文錦入水不濡入火不燎又云孔子生之夕有麟吐玉書於闕里人家乃以繡紱繫麟角而去又云吳王孫權嘗歎魏蜀未夷軍旅之隙思得善畫者使圖作山川地形軍陣之象趙夫

知於是鄂君舉綉被而覆之漢武內傳云帝見西王母巾器中有一小卷黃書乘以紫錦之囊帝問此何書王母曰五岳真形圖也世說云石崇錦步帳四千里野史云女王國貢魚油錦紋絲尤異入水不濡雜論潛夫論云夫攻玉以石治金以鹽濯錦以魚浣布以灰物故有以醜治好以賤治貴雜記拾遺記云東海有冰蠶其繭五色織為文錦入水不濡入火不燎又云孔子生之夕有麟吐玉書於闕里人家乃以繡紱繫麟角而去又云吳王孫權嘗歎魏蜀未夷軍旅之隙思得善畫者使圖作山川地形軍陣之象趙夫

人曰丹青之色易歇滅不可爲久妾能刺繡作列國圖乃於帛上寫五嶽河海城邑行陣之形進於吳王時人謂之絕針又云吳趙逵之妹善書畫巧妙無雙能於指間以絲絲爲雲龍虬鳳之錦大則盈尺小則方寸又云蠕支國人時來獻貢有列堞錦文似雲霞覆如日月如城雉樓堞又云員嶠之山名環丘東有雲石廣五百里有蠶長七寸黑色有角有麟以霜雪覆之然後作絲其色五絲織爲文錦入水不濡其質輕軟柔滑西京雜記云武帝時得貳師天馬以玫瑰石爲鞍轡以五色錦爲蔽泥又云元鼎元年起招仙

閣於甘泉宮西編翠羽麟毫爲簾有走龍錦翻鴻錦飾簾益州記云錦城在益州南笮橋東流江南岸昔蜀時故錦宮也世號錦里城壙猶在鄴中記云錦有大登高小登高大光明小光明大博山小博山大茱萸小茱萸大交龍小交龍蒲桃文錦班文錦鳳凰朱雀錦韜文錦桃核文錦或青縹或白縹或黃縹或綠縹或紫縹或蜀縹工巧百數不可盡名丹陽記云歷代未有錦而成都獨稱妙故時至三國魏則市於蜀吳亦資於蜀至是始有之異物志云錦鳥文章如蜀地錦而藻績交合因謂之錦鳥大業記云煬帝幸江

都所乘龍舟錦帆錦纜開成錄云文宗論德宗奢靡
 曰聞得禁中老宮人每引泉先於池底鋪錦仙釋神
 仙傳云淮南王為八公張錦綺之帳燔百和之香詩
 賦杜甫云小襦繡芳蓀李白云機中織錦秦川女碧
 紗如煙隔窓語又云翡翠黃金縷繡成歌舞衣王建
 云魚藻宮中鎖翠娥先皇行處不曾過只今池底休
 鋪錦菱角雞頭積漸多

絲

經書云海岱惟青州厥貢麋絲麋桑絲中琴瑟禮云孟夏蠶
 事既登分繭秤絲又云夫人縑三盆手周禮云愷氏

凍絲以況水漚其絲七日去地尺晝暴諸日夜宿諸
 井七日七夜是謂水凍經翼左傳云以亂治亂猶治
 絲而棼之又云師人多寒王巡三軍撫而勉之三軍
 之士乃如挾纊逸詩云雖有絲麻無棄菅蒯子墨子
 云見染絲者嘆曰染于蒼則蒼染于黃則黃五入則
 為五色不可不慎非獨染絲治國亦然淮南子云蠶
 吐絲而商絃絕按子生而父氣衰新絲既登故休者
 自壞史漢書云童子魏照求入事郭泰供給灑掃泰
 曰當精義講書何來相近照曰經師易獲人師難遭
 欲以素絲之質而就朱藍之染後漢書云方儲為郎

此詩即用德宗事

中章帝使文郎居左武郎居右儲正住中曰臣文武兼備唯所施用上嘉其才以繁亂絲付儲使理儲拔佩刀三斷之對曰反經任勢臨事宜然後魏書云幽州刺史張亮初有薛琬夢亮於山下掛絲覺而告亮且占之曰山上絲是幽字君爲幽州乎未朞而授雜論士緯云絲俱生於蠶爲繒則賤爲錦則貴正部云皎皎練絲得藍則青得丹則赤得蘖則黃得泥則黑雜記日南志云一歲八蠶之絲西京雜記云公孫弘舉賢良國人鄒長倩贈以素絲一綫爲書以遺之曰五絲爲緝倍緝爲升倍升爲絨倍絨爲紀倍紀爲緞倍緞爲燧此自少之多自微之著也士之立勲効名節亦復如之勿以小善爲不足修而不爲梁四公記云扶桑國貢黃絲三百斤卽扶桑蠶所生扶桑灰汁所煮之絲也帝有金爐重五十斤繫六絲以懸爐絲有餘力風俗通云五月五日賜五色續命絲俗說益人命白孔帖云織染著絲五兩爲鈞又云王言如絲其出如綸浣花地志云杜甫寓蜀每蠶熟卽與妻兒躬行而乞曰如或相憫惠我一絲兩絲仙釋神仙傳云園客嘗種五色香草數十年服食其實忽有五色蛾集于草上客收而薦之以布生華蠶焉有一女來

助客養蠶卽以香草食之蠶收得繭百二十枚繭大如瓮每繭繅六七日絲乃盡此女與園客俱仙去詩賦李白云荊州麥熟繭成蛾繅荒憶君頭緒多杜牧云晶比疑霜瑩如委雪

絹

經周禮云凡布絹辨其苦良比其大小而賈之又云

一其淳制

淳廣狹也制長短也

經翼廣雅云繁總鮮支縠絹也

史漢書云賜降胡縑緇孫章誤以十爲千吳志云丹陽太守李衡欲治家妻輒止之衡初遣客十人於武陵龍陽洲上作宅種柑千株臨終勅其子曰汝母惡

吾治家然吾州里木奴千頭亦足用矣吳末柑成歲得絹數十疋家道殷足宋書云羊欣父不疑爲烏程令欣年十二王獻之爲吳興甚知愛之嘗夏日入縣欣著新絹裙晝寢獻之書裙幅而去欣書本工因此彌善齊書云費昶善爲樂府嘗作鼓吹曲武帝善之勅才意新拔有足嘉異昔邯鄲博物子蘭巧辭束帛之賜實爲勸善可賜絹十疋後魏書云上嘗賜王公以下百餘人布絹卽令任負陳留李崇與章武王融以所負過多顛仆於地崇乃傷股融至損脚時人爲之語曰陳留章武傷腰折股貪人敗類穢我明主唐

書云皇甫湜爲福先寺碑。按筆立就。度贈以車馬。繒綵甚厚。湜大怒曰。自吾爲顧况集序。未嘗許人。今碑字三千。一字三縑。何遇我薄耶。度笑曰。不羈之才。雜論張說論云。張九齡之文如輕縑。素練實濟時用。而窘邊幅。詩賦古詩云。新人工織縑。故人工織素。織縑日一匹。織素五丈餘。持縑將比素。新人不如故。

羅綺

經翼廣雅云。鬱金流黃綦綺。子王孫子云。隋珠曜日。羅衣從風。史晉書云。謝玄好帶紫羅香囊。叔父安惡之。因賭而焚之。遂絕。埤史漢武內傳云。帝七月七日。

掃除宮掖之內。設座大殿之上。以紫羅薦地。燔百和香。燃九微燈。以待王母。古史考云。司馬相如之琴名綠綺。東宮舊事云。太子納妃。有絳真文羅一幅。帔一絳真文羅袴七。又云。鳳文蟬翼並羅名。雜記拾遺記云。周成王五年。因祇國獻女工一人。善於工巧體貌。輕潔被織羅新繡之衣。又云。吳孫權居昭陽宮。趙夫人乃織織羅縠。累月而成。裁之爲幔。內外視之。飄飄如烟氣。輕動而房內自涼。地理志云。鎮州貢孔雀羅。瓜子羅。春羅。越州貢寶花花文等羅。白孔帖云。高麗王以白羅製冠。大臣青羅冠。詩賦洛神賦云。羅襪生。

塵崔融云霜羅曳曳李白云羅衣曳紫煙

布帛

經禮云大祭以疏布為尚及女工之始經翼左傳云諸侯圍偃陽主人懸布魯孟氏之臣秦董父登之及堞而絕蘇而復上者三主人辭焉乃退帶其斷布以徇於軍三日史記云義皇造布孔子作緇布冠又云公儀休見布好疾出家婦燔其機恐奪人之利又云孟光荆釵布裙而嫁梁鴻又云答布皮革千石其言價賤故與皮革同量又云公孫弘為漢相臥布被又云張騫曰臣在大夏時見邛竹杖蜀桐華布問安得此答曰吾

賈人往市身毒身毒在大夏西南可數千里漢書云

曳阿錫如浮

阿細繒錫細布也

魏志云梁冀衣火浣布會飲

朋儕爭酒失杯而污之偽怒燒之以火火滅垢盡祭

然如新唐書云貞觀時南蠻王獻朝霞布雜論潛夫

論云葛子升越筒中女布

葛越草布也

雜記地理志云天

台山有瀑布泉高昌有草名曰白疊擷花可織為布

杜陽編云同昌公主一日大會韋氏族暑氣特甚王

命取澄水帛掛於南軒滿座皆思挾纊

葛

經書云海岱惟青州厥貢鹽絺詩云糾糾葛屨可以

履霜禮記云孟夏天子初衣暑衣

也

又云天子削

瓜者副之中以絺爲國君者副之中以絺周禮云掌

葛以時徵絺絺之財經翼說文云絺粗葛也絺細葛

也縐絺之細者也韓詩外傳云孔子南遊至阿谷有

處女佩璜而浣孔子袖絺絺五兩以授子貢曰善爲

之說以觀其辭子貢曰吾北鄙之人也將南楚適有

絺絺五兩敢置之水浦女曰客有資財棄之野鄙吾

年甚少何敢取之子不早起竊有狂夫守之史漢書

云江都王建謀反遣使通越閩侯遺建荃葛

荃音銓細布也

隋書云袁克少警悟年十餘歲其父黨至門時冬初

克尚衣葛巾客戲克曰絺兮絺兮淒其以風克應聲

答曰爲絺爲絺服之無斃以是大見嗟賞埤史穆天

子傳云天子筮獵其卦遇革逢公占之賜之駿馬十

六絺絺三十篋列女傳云盧懽清貶播州尉其妻徐

采絺不御說苑云綿綿之蔓在於曠野良工得之以

爲絺絺良工不得枯死於野雜記通俗文云細葛謂

之耗趨詩賦吳都賦云蕉葛升越弱於羅紈李白云

青煙蔓長條繚繞幾百尺閨人費素手採綴作絺絺

柳宗元云織葛絺絺紵克供以脩

